

January 2015



UNIVERSITI
TEKNOLOGI MARA
SARAWAK

th
ISSUE

69 info kampus

UITM SARAWAK BULLETIN



ISSN 2232-1576



9 772232 157005

Para peserta delegasi ke Universitas Muhammadiyah Surakarta



LAWATAN AKADEMIK DAN PENYELIDIKAN KE UNIVERSITAS MUHAMMADIYAH SURAKARTA (UMS)

Oleh: Nyotia Nyokat

Pada 15-19 September 2014 yang lepas, RiND Sarawak Chapter bersama dengan wakil pengurusan tertinggi Universiti Teknologi MARA Sarawak telah mengadakan lawatan sambil belajar ke Universitas Muhammadiyah Surakarta (UMS) atas usahasama akademik dan penyelidikan. Seramai 8 orang anggota delegasi iaitu Profesor Madya Dr. Hjh. Rasidah Mahdi (Timbalan-Rektor, PJI dan selaku ketua delegasi), Profesor Madya Dr. Khong Heng Yen (Ketua RiND Sarawak Chapter), Puan Serah Haji Jaya (Koordinator ICAN), Cik Sati-Salmah (Koordinator RIBU), Puan Nyotia Anak Nyokat (Setiausaha/Ahli RiND Sarawak Chapter), Dr. Mohammad Isa (KPP Sains Gunaan & Ahli RiND Sarawak Chapter), Puan Rabuyah Ni (KK & Ahli RiND Sarawak Chapter) dan Puan Millaa- Armilla Asli (Ahli RiND Sarawak Chapter) telah turut serta dalam program ini.

Antara aktiviti yang telah dijalankan semasa lawatan tersebut adalah menandatangani *Letter of Intend* (LOI), menghalusi kandungan perjanjian usahasama, MoU dan MoA, mempromosi Program Pasca Siswazah, membincangkan projek penyelidikan usahasama, dan menimba ilmu pengetahuan tentang teknik pengujian beberapa bioassey termasuk anti-kanser, anti-microbial, anti-malaria dan sebagainya.

Lawatan akademik ini merupakan langkah awal untuk menjalinkan kerjasama dalam penyelidikan, penulisan serta sangkutan pelajar bagi kedua-dua universiti. Untuk mendapat manfaat sebenarnya, pihak yang bertanggungjawab di UiTM Sarawak perlu memastikan yang draf MoU/MoA akan dimeteraikan untuk mempertingkatkan program usahasama dengan pihak luar serta mempergiatkan lagi aktiviti penyelidikan dan pengkomersialan serta penerbitan dan inovasi bagi membolehkan ia bergerak dan melonjak lebih ke hadapan bagi mencapai kecemerlangan akademik dan penyelidikan ke arah universiti tersohor.

Kejohanan Bola Tampar Piala Rektor Edisi Pertama 2014 ini telah dianjurkan oleh Unit Sukan mulai 9 September hingga 7 Oktober 2014 bertempat di Gelanggang Bola Tampar UiTM Sarawak (Kampus 1).

Kejohanan sukan ini telah disertai oleh 10 pasukan daripada kalangan staf dan 6 pasukan daripada kalangan pelajar. Pasukan MENA SIKKK dari Unit Polis Bantuan telah muncul sebagai juara dalam kejohanan yang julung-julung kalinya diadakan ini. Pasukan tersebut telah memenangi piala pusingan, medal, tuala tangan dan sijil. Naib Johan pula jatuh kepada Pasukan FLYING ORANGE, manakala tempat ke-3 telah dimenangi oleh kedua-dua pasukan SONYENG MAIN TENG-TENG dan MAWAR BAUDURI.

Majlis penyampaian hadiah telah disempurnakan oleh Yang Berbahagia Profesor Dato Dr. Jamil Haji Hamali, Rektor Kampus UiTM Sarawak. Turut hadir bersama pada majlis tersebut adalah Yang Berbahagia Profesor Madya Wan Akil Bin Tuanku Abdullah (Timbalan Rektor HEP), Encik Ahmad Lotfi Haji Ariffin (Timbalan Pendaftar Kanan), ASP/PB Mazlan bin Takap (Pegawai Keselamatan), Encik Adzwa Bin Kamri (Pegawai Sukan), dan Encik Ahmad Faizan (Pegawai Sukan Kampus 2).

KEJOHANAN BOLA TAMPAR PIALA REKTOR EDISI PERTAMA

Oleh: Eda Tua



Pasukan SHAPIRE



Pasukan LADANG 2



Pasukan FKA



Pasukan THE FULU\$ (Bahagian Kewangan)

Majlis penyampaian hadiah Kejohanan Bola Tampar Piala Rektor Edisi Pertama 2014



Perlawanan Separuh Akhir 2 Pasukan FLYING ORANGE (Pensyarah/Oren) vs Pasukan SONYENG MAIN TENG-TENG (HEP/Hijau)



Perlawanan Separuh Akhir 1 MAWAR BAUDURI (Bahagian Petadbiran/Hijau) vs MENA SIKKK (Unit Polis Bantuan/Putih)



UNIVERSITI
TEKNOLOGI MARA
SARAWAK

UNIVERSITI
TEKNOLOGI MARA
SARAWAK

Corporate Communications & International Relations

**Universiti Teknologi MARA Sarawak
Jalan Meranek, 94300 Kota Samarahan,
Peti Surat 1258, 93312 Kuching,
Sarawak, Malaysia**

**Tel: 082 - 677 200 | Fax: 082 - 677 300
E-mail: corporate@sarawak.uitm.edu.my
www.sarawak.uitm.edu.my**